

# Auf de schwäbsche Eisebahne



C F

Auf der schwäb-sche Ei-se-bah-ne gibts gar vie-le Halt-sta-tio-ne:

5 G7 C G7 C

Schtue-gart, Ulm und Bi-be-rach, Me-cke-beu-re, Dur-les-bach.

9 C F

Trul-la, trul-la trul-la-la, trul-la, trul-la, trul-la-la,

13 G7 C G7 C

Schtue-gart, Ulm und Bi-be-rach, Me-cke-beu-re, Dur-les-bach.

## 2. Strophe

Auf de schwäbsche Eisebahne  
wollt emol a Bäuerle fahre,  
geht an Schalter, lupft de Huet:  
"Oi Billette, seid so guet!"  
Trulla ...

## 3. Strophe

Eine Geiß hat er si kaufet,  
und dass sie ihm net verlaufet,  
bindet sie der guete Ma  
an de hintre Wage na.  
Trulla ...

## 4. Strophe

"Böckle, tue nuer woidle springe,  
's Futter wer' i dir scho bringe."  
Zünd't sei stinkichs Pfeifle a,  
hockt si zu sei'm Weible na.  
Trulla ...

## 5. Strophe

Wia der Zug no wieder staut,  
d'r Bauer nach sei'm Goißbock schaut,  
find't er bloß no 'n Kopf und 's Soil  
an dem hintre Wagedoil.  
Trulla ...

## 6. Strophe

Da kriegt er en große Zore,  
packt de Goißkopf bei de Ohre,  
schmeißt en, was er schmeiße ka,  
'm Konduktör an 'n Ranza na.  
Trulla ...

## 7. Strophe

"So, jetzt kansch de Schade zahle,  
warum bisch so schnell au gfare!  
Du alloi bisch Schuld do dra,  
dass i d'Goiß verlaure ha!"  
Trulla ...

## 8. Strophe

So, jetzt wär des Liadle g'songe.  
Hot's eich reacht in d'Ohre klonge?  
Wer's no net begreife ka,  
fang's no 'mol von vorne a!  
Trulla ...